

唐  
音  
統  
籤

丁籤九十四元稹之六

唐音統籤卷

四百五十九

五言古詩六

古體

寄吳士矩端公五十韻

此後並江陵上曹時作

昔在鳳翔日十歲卽相識未有好文章逢人貴顏

色可憐何郎面

吳生小字何郎

二十纔冠飾短髮予近梳

羅衫紫蟬翼伯舅各驕縱仁兄未摧抑事業若盃

盤詩書甚微纒西州戎馬地賢豪事雄特百萬時

可羸十千良易借

資音切

寒食桐陰下春風柳林側

藉草送遠遊列筵酬博塞萎蕤雲幕翠璨爛紅茵

絕鮪縷輕似絲香醅膩如醖將軍頻下城佳人盡

傾國媚語嬌不聞纖腰軟無力歌辭妙宛轉舞態  
能剗刻箏弦玉指調粉汗紅綃拭予時最年少專  
務酒中職未能媿生憐偏矜任狂直曲庇桃根蓋  
橫講捎雲式亂布鬪分朋惟新間譏慝恥作最先  
吐羞言未朝食醉眼漸紛紛酒聲頻餒餒

愛黑反

扣

節參差亂飛觥往來織強起相維持藏成兩匍匐  
邊霜颯然降戰馬鳴不息但喜秋光麗誰憂塞雲  
黑常隨獵騎走多在豪家匿夜飲天旣明朝歌日  
還晏荒狂在歲云久名利心潛逼時輩多得途親朋  
屢相勅閒因適農野忽復愛稼穡平生中聖人醺

然腐腸賊亦從酒仙去。便被書魔惑。脫跡壯士場。  
甘心豎儒域。矜持翠筠管。敲斷黃金勒。屢益蘭膏。  
燈猶研兔枝。墨崎嶇來掉。蕩矯枉事沉默。隱笑甚。  
艱難斂容還。劣崩與君始。分散勉我勞。修飾岐路。  
各營營別離。長惻惻行看二十載。萬事紛何極。相。  
值或須臾。安能洞胃臆。昨來陝郊會。悲歡兩難克。  
問我新相知。但報長相憶。豈無新知者。不及小相。  
得。亦有生歲游同年。不同德爲別。詎幾時。伊予墜。  
溝洫。大江鼓風浪。遠道參荆棘。往事返無期。前途。  
浩難測。一旦得自由。相求北山北。

三月二十四日宿曾峰館夜對桐花寄樂天  
微月照桐花月微花漠漠怨澹不勝情低徊拂簾  
幕葉深陰影細露重枝條弱夜久春恨多風清暗  
香薄是夕遠思君思君瘦如削但感事睽違非言  
官好惡奏書金鑾殿步屣青龍閣我在山館中滿  
地桐花落

酬樂天書懷見寄

本題云初與微之別後忽夢見之及寤而微之書至

兼覽桐花之什悵然書懷此後五章並次用本韻

新昌北門外與君從此分街衢走車馬塵土不見  
君君爲分手歸我行行不息我上秦嶺南君直樞

星北秦嶺高崔嵬商山好顏色月照山館花栽詩  
寄相憶天明作詩罷草草從所如憑

去三

月無報書荊州白日晚城上鼓鼙行逢賀州牧  
致書三四封封題樂天宇未坼已霑裳拆書八九  
讀淚落千萬行中有酬我詩句句截我腸仍云得  
詩夜夢我魂悽涼終言作書處上直金鑿東詩書  
費一夕萬恨絨其中中宵宮中出復見宮月斜書  
罷月亦落曉燈垂暗花想君書罷時南望勞所思  
況我江上立吟君懷我書懷我浩無極江水秋正  
深清見萬文底照我平生心感君求友什因報壯

士吟持謝衆人口銷盡猶是金

酬樂天登樂遊園見憶

昔君樂遊園悵望天欲曛今我大江上快意波翻  
雲秋空壓澶漫瀕洞無垢氛四顧皆豁達我眉今  
日伸長安隘朝市百道走埃塵軒車隨對列骨肉  
非本親誇遊丞相第偷人常侍門愛君直如髮勿  
念江湖人

酬樂天早夏見懷

庭柚有垂實燕巢無宿雛我亦辭社燕茫茫焉所  
如君詩夏方早我歎秋已徂食物風土異衾裯時

節殊荒草滿田地近移江上居八日復切九月明  
侵半除

酬樂天勸醉

神麴清濁酒牡丹深淺花少年欲相飲此樂何可  
涯沉機造神境不必悟楞伽醺顏返童貌安用成  
丹砂劉伶稱酒德所稱良未多願君聽此曲我爲  
盡稱嗟一杯顏色好十盞膽氣加半酣得自恣醺  
酣歸太和共醉真可樂飛觥撩亂歌獨醉亦有趣  
兀然無與他美人醉燈下左右流橫波王孫醉牀  
上顛倒眠綺羅君今勸我醉勸醉意如何

和樂天初授戶曹喜而言志

王爵無細大得請卽爲恩君求戶曹掾貴以祿奉  
親聞君得所請感我欲霑巾今人重軒冕所重華  
與紛矜誇仕臺閣奔走無朝昏君衣不盈篋君食  
不滿囷君言養旣薄何以榮我門披誠再三請天  
子憐儉貧詞曹直文苑捧詔榮且忻歸來高堂上  
兄弟羅酒罇各稱千萬壽共飲三四巡我實知君  
者千里能具陳感君求祿意求祿殊衆人上以奉  
顏色餘以及親賓棄名不棄實謀養不謀身可憐  
白華士未願凌青雲

和樂天贈吳丹

不識吳生面久知吳生道跡雖染世名心本奉天  
老雌一守命門迴九填血腦委氣榮衛和咽津顏  
色好傳聞共甲子衰賸盡枯槁獨有冰雪容纖華  
奪鮮縞間人何能爾吳實曠懷抱弁冕徒挂身身  
外非所寶伊予固童昧希真亦云早石壇玉晨尊  
晝夜長自掃密印視丹田遊神夢三島萬過黃庭  
經一食青精稻冥搜方朔桃結念安期棗綠髮幸  
未改丹誠自能保行當擺塵纓吳門事探討君爲  
先此詞終期攀瑤草

和樂天秋題曲江

十載定交契七年鎮相隨  
長安最多處多是曲江  
池梅杏春尚小菱荷秋已衰  
共愛寥落境相將偏  
此時綿綿紅蓼水颺颺  
白鷺鶯詩句偶未得酒杯  
聊久持今來雲雨曠舊賞  
魂夢知況乃江楓夕和  
君秋興詩

和樂天別弟後月夜作

聞君別愛弟明天照夜寒  
秋鴈拂簷影曉琴當砌  
彈悵望天澹澹因思路  
漫漫吟爲別弟操聞者爲  
辛酸況我兄弟遠一身形  
影單江波浩無極但見

時歲闌

和樂天秋題牡丹叢

樊宅豔山卉別來長歎息吟君晚叢詠似見摧隤  
色欲識別後容勤過晚叢側

春月

春月雖至明終有靄靄光不似秋冬色逼人寒帶  
霜纖粉澹虛壁輕烟籠半牀分暉間林影餘照上  
虹梁病久塵事隔夜閒清興長擁袍顛倒領步履  
東西廂風柳結柔援露梅飄暗香雪含櫻綻藥珠  
蹙桃綴房杳杳有餘思行行安可忘四鄰非舊識

無以話中腸南有居士儼默坐調心主款關一問  
訊爲我披衣裳延我入深竹暖我於小堂視身疏  
瑯瑩諭指芭蕉黃復有比丘溢早傳龍樹方口中  
秘丹訣肘後懸青囊錫杖雖獨振刀圭期共嘗未  
知仙近遠已覺人輕翔夜久魂耿耿月明露蒼蒼  
悲哉沉眠士寧見茲夕良

月臨花

卽林  
擒花

凌風颺颺花透影朧朧月巫峽隔波雲姑峰漏霞  
雪鏡勻嬌面粉燈泛高籠纈夜久清露多啼珠墜  
還結

紅芍藥

芍藥綻紅綃  
巴籬織青瑣  
繁絲蹙金蘂  
高焰當爐火  
剪刻彤雲片  
開張赤霞裹  
烟輕琉璃葉  
風亞珊瑚  
朶朶受露色  
低迷向人嬌  
婀娜醺顏醉  
後並小女  
粧成坐豔豔  
錦不如天天  
桃未可晴霞  
畏欲散晚日  
愁將墮結植  
本爲誰賞心  
期在我採之  
諒多思幽贈  
何由果

送王十一南行

夏水漾天末  
晚暘映遙村  
風翻烏尾勁  
脊戀餘芳罽  
解袂方瞬息  
征帆已翩翻  
江豚湧高浪  
楓樹搖

去魂遠戍宗侶泊暮烟洲渚昏離心詎幾許驟若  
移寒溫此別信非久胡爲坐憂煩我留石難轉君  
泛雲無根萬里湖南月三聲山上猿從茲耿幽夢  
夜夜湘與沅

三歎三首

孤劒鋒刃澁猶能神彩生有時雷雨過暗吼闐闐  
聲主人閉靈寶畏作升天行淬礪當陽鐵刻爲千  
鏤名遠求鵬鵠鏤去聲同用玉匣盛顏色縱相類利  
鈍頗相傾雄爲光電燄雌但深泓澄龍怒有奇變  
青虵終不驚

仙鳳翠皇死歲幾光彩低非無鴛鴦侶誓不同樹  
棲飛馳歲云暮感念雛在泥顧影不自暖寄爾蟻  
桃雞馴養豈無媿類族安得齊願言成羽翼奮翅  
凌丹梯

天驥失龍偶三年常夜嘶哀緣噴風斷渴且含霜  
啼長恐絕遺類不復躡雲霓非無駟駟者鶴意不  
在雞春來筋骨瘦弔影心亦迷自此漚沲種應生  
濁水泥

遣書

密竹有清陰曠懷無塵滓況乃秋日光玲瓏曉窻

裏句休聊自適今晨日高起櫛沐坐前軒風輕鏡  
如水開卷恣詠謠望雲閒徙倚新菊媚鮮妍短萍  
憐霍靡掃除田地靜摘掇園蔬美幽翫愜詩流空  
堂稱居士客來傷寂寞我念遺煩鄙心跡兩相忘  
誰能驗行止

冬夜懷李侍御王太祝段丞

浩露烟瑤

音愛

盡月光閒有餘松篁細陰影重以簾

漏疎泛覽星粲粲輕河悠碧虛纖雲不成葉脈脈  
風絲舒丹竈熾東序燒香羅玉書飄飄魂神舉若  
騖鸞鶴興感念夙昔意華尚簪與裙簪裾詎幾許

累創吞釣魚今聞馨香道一以悟臬帑悟覺舊不  
惑求抱胎仙居晝夜欣所適安知歲云除行行二  
三友君懷復何如

西齋小松二首

松樹短於我清風亦已多況乃枝上雪動搖微月  
波幽姿得閒地詎感歲蹉跎但恐屢終構藉君當  
奈何

簇簇枝新黃纖纖攢素指柔苙漸依條短莎還半  
委清風日夜高凌雲竟何已千歲盤老龍修鱗自  
茲始

周先生

寥寥空山岑泠泠風松林流月垂鱗光懸泉楊高  
音希夷周先生燒香調琴心神功盈三千誰能還  
黃金

丁籤九十四元積之七

唐音統籤卷

四百六

五言古詩七

古體

遣春十首

曉月籠雲影，鴛深餘霧中。  
暗芳飄露氣，輕寒生柳風。  
冉冉一趨府，未爲勞我躬。  
因茲得晨起，但覺情興隆。

久雨憐霽景，偶來隄上行。  
空濛天色嫩，杳淼江面平。  
百草短長出，衆禽高下鳴。  
春陽各有分，予亦澹無情。

鏡皎碧潭水，微波粗成文。  
烟光垂碧草，瓊脉散纖

雲岸柳好陰影風裾遺垢氛悠然送春日八荒誰  
與羣

低迷籠樹烟明淨暮霞日陽焰波春空平湖漫疑  
溢雪鷺遠近飛渚牙淺深出江流復浩蕩相爲坐  
紆鬱

暄寒深淺春紅日前後花顏色詎相讓生成良有  
涯梅芳勿自早菊秀勿自餘各將一時意終年無  
再華

高屋童稚少春來歸燕多舊舊良易就新院亦已  
羅俯憐雛化卵仰愧鵬無窠巢棟與巢幕秋風俱

奈何

撩亂撲樹蜂摧殘  
戀房藥風吹雨又頻  
安得繁於綺酒盃  
沉易過世事紛何已  
莫倚顏似花君看歲  
如水

繞郭高高冢半是荆王墓  
後嗣熾陽臺前賢甘草  
路善惡徒自分波流盡  
東注胡然不飲酒坐落  
桐花樹

花陰莎草長藉莎閒自酌  
坐看鷺闌枝輕花滿尊  
杓葛巾竹梢掛書卷琴上  
閣沽酒過此生狂歌眼  
前樂

梨葉已成陰柳條紛起絮波綠紫屏風螺紅碧簪  
筓三杯面上熱萬事心中去我意風散雲何勞問  
行處

暑夏十首

夏風多暖暖樹木有繁陰新筍紫長短早櫻紅淺  
深烟花雲幕重榴豔朝景侵華實各自好詎雲芳  
意沉

初日滿階前輕風動簾影旬時得休浣高臥閱清  
景僮兒拂巾箱鷗軋深林井心到物自閒何勞遠  
箕穎

江瘴炎夏早蒸騰信難度今宵好風月獨此荒庭  
趣露葉傾暗光流星委餘素但恐清夜徂詎悲朝  
景暮

孟月夏猶淺奇雲未成峰度霞紅漠漠壓浪白溶  
溶玉委有餘潤馳驅無去蹤何如捧雲雨噴毒隨  
蛟龍

流芳遙炎景繁英盡寥落公署香滿庭晴霞覆欄  
藥栽紅起高焰綴綠排新萼憑此遣幽懷非言念  
將謹

紅絲散芳樹旋轉光風急烟泛被籠香露濃粧面

濕佳人不在此恨望堦前立忽厭夏景長今春行  
已及

百舌漸吞聲黃鸝正嬌小雲鴻方警夜籠雞已鳴  
曉當時客自適運去誰能矯莫厭夏蟲多蜩蟬定  
相擾

翩翩簾外燕戢戢巢內雛啖食筋力盡毛衣成紫  
襦朝來各飛去雄雌梁上呼養子將備老惡兒那  
勝無

西山夏雪消江勢東南瀉風波高若天灩澦低於  
馬正被黃牛旋難期白帝下我在平地行翻憂濟

川者

靈均死波後是節常浴蘭綵縷碧雲糝香杭白玉  
團遊者良自苦今人反爲歡哀哉徇名士沒命求  
所難

解秋十首

清晨顚寒水動搖襟袖輕翳翳林上葉不知秋暗  
生迢悲鏡中華髮白三四莖豈無滿頭黑念此衰  
已萌

微霜纔結露翔鳩初變鷹無乃天地意使之行小  
懲鴟鴞誠可惡蔽日有高鵬捨大以擒細我心終

不能

往歲學仙侶各在無何鄉同時驚名者次第鷓鴣  
行而我兩不遂三十鬢添霜日暮江上立蟬鳴楓  
樹黃

後伏火猶在先秋蟬已多雲色日夜白驕陽能幾  
何壤隙漏江海忽微成網羅勿言時不至但恐歲  
蹉跎

新月纔到地輕河如泛雲螢飛高下火樹影參差  
文露簾有微潤清香時暗焚夜閒心寂默洞庭無  
垢氛

霽麗牀前影飄蕭簾外竹簟涼朝睡重夢覺茶香  
熟親烹園內葵憑買家家麴釀酒并毓蔬人來有  
幕局

寒竹秋雨重凌霄晚花落低徊翠玉梢散亂樵黃  
萼顏色有殊異風霜無好惡年年百草芳畢意同  
蕭索

春非我獨春秋非我獨秋豈念百草死但念霜滿  
頭頭自古所同胡爲坐煩憂茫茫百年內處身良  
未休

西風冷衾簟展轉布華茵來者承玉體去者流芳

塵適意醜爲好及時疎亦親衰周仲尼出無乃爲  
妖人

漠漠江面燒微微風樹烟今日復今夕秋懷方浩  
然況我頭上髮衰白不待年我懷有時極此意何  
由詮

遣病十首

服藥備江瘴四年方一瘳豈是藥無功伊予久留  
滯滯留人固薄瘴久藥難制去日良已甘歸途奈  
無際

棄置何所任鄭公憐我病三十九萬錢

歲入之大率

資

予養頑瞑身賤殺何益恩深報難罄公其千萬年  
世有天之鄭

憶作孩稚初健美成人列倦學厭日長嬉遊念佳  
節今來漸諱年頓與前心別白日速如飛佳晨亦  
騷屑

昔在痛飲場憎人病辭醉病來身怕酒始悟他人  
意怕酒豈不閒悲無少年氣傳語少年兒杯盤莫  
迴避

憶初頭始白晝夜驚一縷漸及鬢與鬚多來不能  
數壯年等閒過過

上如字  
下音戈

壯年已五華髮不再青

勞生竟何補

在家非不病有病心亦安起居甥姪扶藥餌兄嫂  
看今病兄遠路道遙書信難寄言嬌小弟莫作官  
家官

燕巢官舍內我爾俱爲客歲晚我獨留秋深爾安  
適風高翅羽垂路遠烟波隔去去玉山岑人間網  
羅窄

簷宇夜來曠暗知秋已生臥悲衾簟冷病覺肢體  
輕炎昏豈不勸時去聊自驚浩歎終一夕空堂人  
欲明

秋依靜處多況乃凌晨趣深竹蟬晝風翠茸衫曉  
露庭莎病看長林果閒知數何以強健時公門日  
勞驚

朝結故鄉念暮作空堂寢夢別淚亦流啼痕暗橫  
枕昔愁憑酒遣今病安能飲落盡秋攢花離人疾  
猶甚

寒

江瘴節候暖臘初梅已殘夜來北風至喜見今日  
寒扣冰淺塘水擁雪深竹欄復此滿樽醪但嗟誰  
與歡

玉泉道中作

楚俗物候晚孟冬纔有霜早農半華實夕水含風  
涼遐想雲外寺峰巒眇相望松門接官路泉脈連  
僧房微露上弦月暗焚初夜香谷深烟壑淨山虛  
鐘磬長念此清境遠復憂塵事妨行行卽前路勿  
滯分寸光

遣病

自此通  
州後作

自古誰不死不復記其名今年京城內死者老少  
并獨孤纔四十

秘書少  
監郁

仕宦方尚樂李三三十九

監察御  
史顧言

登朝有清聲趙昌八十餘三擁大將旌爲

生信異異之死同冥冥其家哭泣愛一一無異情  
其類嗟歎惜各各無重輕萬靈龜菌等一死天地  
平以此方我病我病何足驚惜如今日死亦足了  
一生借使到百年不知何所成況我早師佛屋宅  
此身形捨彼復就此去留何所繫前身爲過跡來  
世卽前程但念行不息豈憂無路行蛻骨龍不死  
蛻皮蟬自鳴胡爲神蛻體此道人不明持謝愛朋  
友寄之仁弟兄吟此可達觀世言何足聽

感夢

夢故兵部裴  
尚書相公

十月初二日我行蓬州西三十里有館有館名芳

溪荒郵屋舍壞新雨田地泥我病百餘日肌體顧  
若割氣填暮不食早早掩竇圭陰寒筋骨病夜久  
燈火低忽然寢成夢宛見顏如珪似歎久離別嗟  
嗟復悽悽問我何病痛又歎何栖栖答云痰滯久  
與世復相睽重云痰小疾良藥固宜擠前時奉橘  
丸攻疾有神功何不善和療豈獨頭有風予頃患  
痰頭風  
踰月不差裴公敎服橘皮朴硝丸數月而愈今夢中復徵前說故盡記往復之詞殷勤平  
生事款曲無不終悲歡兩相極以是半日中言罷  
相與行行行古城裏同行復一人不識誰氏子遽  
巡急吏來喚呼願且止馳至相君前再拜復再起

啓云更有奉奉命傳所旨事有大驚忙非君不能  
理答云久就閒不願見勞使多謝致勤勤未敢相  
唯唯我因前獻言此事愚可料亂熱由靜消理繁  
在知要君如冬月陽奔走不必召君如銅鏡明萬  
物自可照願君許蒼生勿復高體調相君不我言  
顧我三笑行行及城戶黯黯餘日輝相君握我  
手一作不命我從此歸不省別時語但省涕淋漓  
覺來身體汗坐臥心骨悲閃閃燈背壁膠膠雞去  
啼倦童顛倒寢我淚縱橫垂淚垂啼不止不止啼  
且聲啼聲覺僮僕僮僕掠亂驚問我何所苦問我

何所思我亦不能語慘慘卽路岐前經新政縣今  
夕復明辰冥冥滿心氣不得說向人奇哉趙明府  
怪我眉不伸云有北來僧住此月與旬自言辨貴  
骨謂若識天真談游費悶景何不與逡巡僧來爲  
予語語及昔所知自言有奇中裴相未相時讀書  
靈山寺住處接園籬指言他日貴畧刻似不移我  
聞僧此語不覺淚歔歔去聲因言前夕夢無一人一相

謂無乃裴相君念我胷中氣遣師及此言使我盡  
前事僧云彼何親言下涕不已我云知我深不幸  
先我死僧云裴相君如君恩有幾我云滔滔衆好

直者皆是唯我與白生感遇同所以官學不同時  
生小異鄉里拔我塵土中使我名字美美名何足  
多深分從此始吹噓莫我先頑陋不我鄙往往裴  
相門終年不曾履相門多衆流多譽亦多毀如聞  
風過塵不動井中水前時予掾荆公在期服起自  
從裴公亡吾道甘已矣白生道亦孤讒謗銷骨髓  
司馬九江城無人一言理爲師陳苦言揮涕滿十  
指未死終報恩師聽此男子

和東川李相公慈竹十二韻

大本韻

慈竹不外長密比青瑤華矛攢有森束玉粒無蹉

跂纖粉妍膩質細瓊交翠柯亭亭霄漢近靄靄雨  
露多冰碧寒夜聳簫韶風晝羅烟含朧朧影月泛  
鮮鮮波鸞鳳一已顧燕雀未不過幽姿媚庭實顯  
氣爽天涯峻節高轉露貞筠寒更佳託身仙壇上  
靈物神所何時與天籟合日聞陽春歌應憐孤生  
者摧折成病痼

丁籤九十四元稹之八

唐音統籤卷

四百六十一

五言古詩八

古體

酬東川李相公十六韻

并啓

稹啓今月十二日州吏迴伏受相公書示知小  
生所獻和慈竹等詩關達鑒覽不蒙罪退而又  
賜詩一十韻并首序一百二十三言廢名位之  
常數比朋友以字之飾揚涓埃投贈珠玉幸甚  
幸甚至於朝議末學江花陋詞無不記在雅章  
以備光寵不勝惶駭驚慚之至昔楚人始交必  
有乘車戴笠不忘相揖之誓誠以爲貴富不相  
忘之難也況貴賤之間不啻於車笠之相懸而  
相公投睨珍重又豈唯一揖之容易哉稹獨何  
人享是嘉惠輒復牽課拙劣酬獻所賜是猶百  
獸與鳳皇同舞於簫韶之中各極其歡心耳又  
何暇自審其形容之不類哉慶歲專人封用上  
獻死罪死  
罪謹啓

昔附赤霄羽歲難遊紫垣關班香案上奏語玉晨  
尊慙直撩忌諱科儀懲傲頑自從真籍除棄置勿  
復論前時共遊者日夕黃金軒請帝下巫覡八荒  
求我魂鸞鳳屢鳴顧燕雀尚籬藩徒令霄漢外往  
往塵念存存念豈虛設併投瓊與璫彈珠古所訝  
此用何太敦鄒律寒氣變鄭琴祥景奔靈芝繞身  
出左右光彩繁碾玉無俗色藥珠非世言重慚前  
日句陋若舊並蓀臘月巴地雨瘴江愁浪翻因持  
駭難寶一照濁水昏

酬獨孤二十六送歸通州用本韻

再拜捧兄贈拜兄珍重言我有平生志臨別將具  
論十歲慕個儻愛白不愛昏寧愛寒切烈不愛暘  
溫暖二十走獵騎三十游海門憎兔跳趨趨惡鵬  
黑翻翻盤釣氣方壯鵠拳心頗尊下觀孿孿輩一  
掃冀不存名冠壯士籍功酬明主恩不然合身棄  
何況身上瘰金石有銷爍肺腑無寒溫分晝久已  
定波濤何足煩嘗希蘇門嘯詎厭巴樹猿瘴水徒  
浩浩浮雲亦軒軒長歌莫長歎飲斛莫飲樽生爲  
醉鄉客死作達士魂

酬劉猛見送用本韻

種花有顏色異色卽爲妖養鳥惡羽翮剪翮待  
高非無剪傷者物性難自逃百足雖捷捷商羊亦  
翹翹伊余狷然質謬入多士朝任氣有愎戇容身  
寡朋曹愚狂偶似直靜僻非敢驕一爲毫髮忤十  
載山川遙爍鐵不在火割肌不在刀險心露山嶽  
流語翻波濤六尺安敢主方寸由自調神劍土不  
蝕異布火不焦雖無二物姿庶欲効一毫未能深  
蹙蹙多謝相勞勞去去我移馬遲遲君過橋雲勢  
正橫壑江流初滿槽

江槽楚語

持此慰遠道此之爲舊

交

酬樂天赴江州路上見寄三首用本韻

昔在京城心今在吳楚末千山道路險萬里音塵  
闕天上參與商地上吳興越終天升沉異滿地網  
羅設心有無朕環腸有無繩結有結解不開有環  
尋不歇山嶽移可盡江海塞可絕離恨若空虛窮  
年思不徹生莫強相同相同會相別

襄陽大隄繞我向隄前住燭隨花豔來騎送朝雲  
去萬竿高廟竹三月徐亭樹我昔憶君時君今懷  
我處有身有離別無地無岐路風塵同古今人世  
勞新故

人亦有相愛我爾殊衆人朝朝寧不食日日願見  
君一日不得見愁腸坐氣飢如何遠相失各作萬  
里雲雲高風苦多會合難遽因天上猶有礙何況  
地上身

郵竹

庭有蕭蕭竹門有闐闐騎器靜本殊途因依偶同  
寄亭亭乍干雲嫋嫋亦垂地人有異我心我無異  
人意

落月

落月沉餘影陰渠流暗光蚊聲靄窻戶螢火繞屋

梁飛幌翠雲薄新荷清露香不吟復不寐竟夕池  
水傍

高荷

種藕百餘根高荷纔四葉颺閃碧雲扇團圓青玉  
疊亭亭白檠舉昂昂難藏匿益涉切不學着水荃一

生長怙怙

酬楊司業十二兄早秋述情見寄

今春與楊兄會於馮

綢數月而別此詩同州作

白髮故人少相逢意彌遠往事共銷沉前期各衰  
晚昨來爾遇苦已復雲離嶽秋草古膠庠寒沙廢

唐音統籤

卷四自六十一

四

丁

宮苑知心豈忘鮑詠懷難和阮壯志日蕭條那能  
競朝幘

代杭民作使君一朝去二首

使君一朝去遺愛在民口惠化境內春才名天下  
首爲問龔黃輩兼能作詩否

使君一朝去斷腸如割藥無復見冰壺唯應鏤金  
石自此一州民生男盡名白

長慶曆

年曆復年曆卷盡悲且惜曆日何足悲但悲年運  
易年年豈無歎此歎何唧唧所歎別此年末無長

慶曆

夢井

以下  
傷悼

夢上高原原上有深井登高意枯渴願見深泉  
冷徘徊遶井顧自照泉中影沉浮落井瓶井上無  
懸綆念此瓶欲沉荒忙爲求請遍入原上村村空  
犬仍猛還來遶井哭哭聲通復哽哽噎夢忽驚覺  
來房舍靜燈焰碧朧朧淚光凝四圍鐘聲夜方半  
坐臥心難整忽憶咸陽原荒田萬餘頃土厚曠亦  
深埋魂在深埂埂深安可越魂通有時逞今宵泉  
下人化作瓶相憬感此涕沈瀾沈瀾涕霑領所傷

覺夢間便覺死生境豈無同穴期生期諒綿永又  
恐前後魂安能兩知省循環意無極坐見天將昴  
吟此夢井詩春朝好光景

江陵夢三首

平生每相夢不省兩相知況乃幽明隔夢魂徒爾  
爲情知夢無益非夢見何期今夕亦何夕夢君相  
見時依稀舊粧服晚淡昔容儀不道閨生死但言  
將別離分張碎針線襦疊故幙轉撫稚再三囑淚  
珠千萬垂囑云唯此女自歎總無兒尚念嬌且駮  
余寒與饑君復不憶事奉身猶脫遺泥有官縛

東安能長顧私他人生間別婢僕多謾欺君在或  
有託出門當付誰言罷泣幽噎我亦涕淋漓驚悲  
忽然寤坐臥若狂癡月影半牀黑蟲聲幽草移心  
魂生次第覺夢久自疑寂默深想像淚下如流澌  
百年來已訣一夢何太悲悲君所嬌女棄置不我  
隨長安遠於日山川雲間之縱我生羽翼網羅生  
繁維今宵淚零落半爲生別滋感君下泉魄動我  
臨思一水不可越黃泉泥無涯此懷何由極此  
夢何由追坐見天欲曙江風吟樹枝

古原三丈穴深葬一枝瓊崩剝山門壞煙綿墳草

生久依荒隴坐却望遠村行驚覺滿牀月風波江  
上聲

君骨久爲土我心長似灰百年何處盡三夜夢中  
來逝水良已矣行雲安在哉坐看朝日出衆鳥雙  
徘徊

張舊蚊幃

踰年間生死千里曠南北家居無見期況乃異鄉  
國破盡裁縫衣忘收遺翰墨獨有縑紗幃憑人遠  
攜得施張合歡榻展卷雙鴛翼已矣長空虛依然  
舊顏色徘徊將就寢徙倚情何極昔透香田田今

無魂惻惻隙穿斜月照燈背空牀黑達理強開  
夢啼還過臆平生貧寡歡天枉勞苦憶我亦詎幾  
時胡爲自摧逼燭蛾焰中舞墮蠶叢上織焦爛各  
自求他人顧何力多離因苟合惡影當務息往事  
勿復言將來幸前識

丁籤九十四元稹之九

唐音統籤卷

四百六

七言古詩一

樂府有序

詩訖於周離騷訖於楚是後詩之流爲二十四  
各賦頌銘贊文誄箴詩行誄吟題怨歌章篇操  
引謠謳歌曲詞調皆詩人六義之餘而作者之  
旨由操而下入各皆起於郊祭軍賓吉國若樂  
之際在音聲者因聲以度詞審調以節唱句度  
短長之數聲韻平上之差莫不由之惟度而又  
別其在琴瑟者爲操引採民昨者爲謳謠備曲  
度者總得謂之歌曲詞調斯皆由樂以定詞非  
選調以配樂也由詩而下九名皆屬事而作雖  
題號不同而悉謂之爲詩可也後之審樂者往  
往採取其詞度爲歌曲蓋選詞以配樂非由樂  
以定詞也而纂撰者由詩而下十七名盡編爲  
樂錄樂府等題除鐘吹橫吹郊祀清商等詞在  
樂志者其餘木蘭仲卿四愁七哀之輩亦未必  
盡播於管絃明矣後之文人達樂者少不復如  
是配別但遇興紀題往往兼以句讀短長爲歌

詩之異劉補闕之樂府肇於漢魏按仲尼學文  
王操伯牙作流波水仙等操齊贍沐作雉朝飛  
衛女作思歸引則不於漢魏而後始亦以明矣  
況自風雅至於樂流莫非諷興當時之事以貽  
後代之人沿襲古題唱和重複於文或有短長  
於義咸爲贅贍尚不如寓意古題刺美見事猶  
有詩人引古以諷之義焉曹劉沈鮑之徒時得  
如此亦復希少近代雅詩人杜甫悲陳陶哀江  
頭兵車麗人等凡所歌行率皆卽事名篇無復  
依旁予少時與友人樂天李公垂輩謂是爲常  
遂不復擬賦古題昨梁州見進士劉猛李餘各  
賦古樂府詩數十首其中一二十章咸有新意  
予因選而和之其有雕用古題全無古義者若  
出門行不言離別將進酒特書列女之類是也  
其或頗同古義全創新詞者則旧家止述軍論  
捉捕詞先螻蟻之類是也劉李二子方將極意  
於斯文因爲粗明  
今歌詩同異之音焉

# 和劉猛古題樂府十首

夢上天

夢上高高天高高蒼蒼高不極下視五嶽塊嶮嶮  
仰天依舊蒼蒼色蹋雲身身更上攀天上天攀  
未得西瞻若水兔輪低東望蟠桃海波黑日月之  
光不到此非暗非明烟寒寒天悠地遠身跨風下  
無階梯上無力來時畏有他人上截斷龍胡斬鵬  
翼茫茫漫漫方自悲哭向青雲稚素臆哭聲厭咽  
旁人惡去聲喚起驚悲淚飄露千慙萬謝喚厭人向  
使無君終不寤

冬白紵

吳宮夜長宮漏款款簾幕四垂燈焰暖西施自舞王  
自管雪紵翻翻鶴翎散聲上促節牽繁舞腰嬾舞腰  
嬾王罷飲蓋覆西施鳳花錦身作匡牀臂爲枕朝  
珮樅玉王晏寢寢醒聞報門無事子胥死後言爲  
諱近王之臣諭王意共笑越王窮惴惴夜夜抱冰  
寒不睡

將進酒

將進酒將進酒酒中有毒醜主父言之主父傷主  
母母爲妾地父妾天仰天俯地不忍言陽爲僵踣  
主父前主父不知加妾鞭旁人知妾爲主說主將

淚洗鞭頭血推

他雷反

惟主母牽下堂扶妾遣升堂

上牀將進酒酒中無毒令主壽願主迴恩歸主母  
遣妾如此由主父妾爲此事人偶知自慙不密方  
自悲主今顛倒安置妾貪天僭地誰不爲

### 採珠行

海波無底珠沉海採珠之人判死採萬人判死一  
得珠解量買婢人何在年年採珠珠避人今年採  
珠由海神海神採珠珠盡死死盡明珠空海水珠  
爲海物海屬神神今自採何況人

### 董逃行

董逃董逃董卓逃揩鏖戈甲聲勞嘈剗剗

鳥官切深

臍脂焰焰人皆歎曰爾獨不憶年年取我身上膏  
膏銷骨盡烟火死長安城中賊毛起城門四走公  
卿士走勸劉虞作天子劉虞不敢作天子曹瞞篡  
亂從此始董逃董卓逃人莫喜勝負相環相枕倚縫  
綴難成裁破易何況曲針不能伸巧指欲學裁縫  
須準擬

憶遠曲

憶遠曲郎身不遠郎心遠沙隨郎飯俱在匙郎意  
看沙那比飯水中書字無字痕君心暗畫誰會君

況妾事姑姑進上身去門前同萬里一家盡是郎  
腹心妾似生來無兩耳妾身何足言聽妾私勸君  
君今夜夜醉何處姑來伴妾自閉門嫁夫恨不早  
養兒將備老妾自嫁郎身骨立老姑爲郎求娶妾  
妾不忍見姑郎忍見爲郎忍耐看姑面

夫遠征

趙卒四十萬盡爲坑中鬼趙王未信趙母言猶點  
新兵更填死填死之兵兵氣索秦強趙破括敵起  
括離專命起尚輕何況牽肘之人牽不已坑中之  
鬼妻在營壘

以麻約  
髻也

麻戴經鴈鳴送夫之婦又

行哭哭聲送死非送行夫遠征遠征不必成長城  
出門便不知死生

織婦詞

織婦何太忙蠶經三臥行欲老蠶神女聖早成絲  
今年絲稅抽徵早早徵非是官人惡去歲官家事  
戎索征人戰苦束刀瘡主將勦高換羅幕綠絲織  
帛猶努力變緝揀機苦難織東家頭白雙女兒爲  
解挑紋線不得予操荆時目擊貢綾簷前嫋嫋游  
絲上上有蜘蛛巧來往美他蟲豸音雄解緣天龍向  
虛空織羅網

田家詞

牛吒吒

許角反

田确确旱塊敲牛蹄跂跂音種得官

倉珠顆穀六十年來兵簇簇月月食糧車轆轤一日官軍收海服驅牛駕車食牛肉歸來收得牛兩角重鑄鋤犁作斤劖姑舂婦擔去輸官輸官不足歸賣屋願官早勝讎早復農死有兒牛有犢誓不遣官軍糧不足

俠客行

俠客不怕死怕在事不成事成不肯藏姓名我非竊賊誰夜行白日堂堂殺袁益九衢草草人面青

此客此心師海鯨海鯨露背橫滄溟海波分作兩  
處生分海減海力俠客有謀人不識測三尺鐵蛇  
延二兩

李餘古題樂府九首

君莫非

鳥不解走獸不解飛兩不相解那得相譏犬不食  
露蟬不啖肥以蟬易犬蟬死犬飢燕在梁棟鼠在  
階基各自窠窟人不能移婦好針縷夫讀書詩男  
翁女嫁卒不相知懼龔摘耳効痛嘔眉我不非爾  
爾不我非

田野狐兔行

柳豆耘鋤種禾溝畹禾苗豆甲狐搯兔剪割鵲餒  
鷹烹麟啖犬鷹怕兔毫犬被狐引狐兔相須鷹犬  
相盡日暗天寒禾稀豆損鷹犬就烹狐兔俱晒

當來日大難行

當來日大難行前有坂後有坑大梁側小梁傾兩  
軸相絞兩輪相撐大牛豎小牛橫鳥啄牛背足跌  
力停當來日大難行太行雖險險可使平輪軸自  
挽牽制不停泥濘漸久荆棘旋生行必不得不如  
不行

人道短

古道天道長人道短我道天道短人道長天地晝  
夜迴轉不曾住春秋冬夏忙顛風暴雨電雷狂晴  
被陰暗月奪日光往往星宿日亦堂堂天既職性  
命道德人自強堯舜有聖德天不能遺壽命求昌  
泥金刻玉與秦始皇周公傳說何不長宰相老聃  
仲尼何事栖遑莽卓恭顯皆數十年富貴梁冀夫  
婦車馬煌煌若此顛倒事豈非天道短豈非人道  
長堯舜留得神聖事百代天子有典章仲尼留得  
孝順語千年萬歲父子不敢相滅亡沒後千餘載

唐家天子封作文宣王老君留得五千字子孫萬  
萬聖唐謚作玄元帝魂魄坐天堂周公周禮二十  
卷有能行者知紀綱傳說說命三四紙有能師者  
稱祖宗天能天人命人使道無窮若此神聖事誰  
道人道短豈非人道長天能種百草猶得十年有  
氣息蘇纔一日芳人能揀得丁沉蘭蕙料理百和  
香天解養禽獸餒虎豹豺狼人解和麴蘖充禱祀  
羔嘗杜鵑無百年天遣百鳥哺雛不遣哺鳳皇巨  
蟒壽千歲天遣食牛吞象充腹腸蛟螭與變化鬼  
怪與隱藏蚊蚋與利背棘棘與鋒鉞賴得人道有

揀別信任天道真茫茫若此撩亂事豈非天道短  
賴得人道長

苦樂相倚曲

古來苦樂之相倚近於掌上之十指君心半夜猶  
恨生荆棘滿懷天未明漢成眼瞽飛燕時可憐班  
女恩已衰未有因由相決絕猶得半年佯暖熱轉  
將深意諭旁人緝綴疵瑕遣潛說一朝詔下辭金  
屋班姬自痛何倉卒呼天俯地將自明不悟尋時  
已銷骨白首宮人前再拜願將日月相輝解苦樂  
相等晝夜間燈光那有天明在主今被奪心應苦

妾奪深恩初爲主欲知妾意恨主時主今爲妾思  
量取斑姬收淚抱妾身我曾排擯無限人

出門行

兄弟同出門同行不同志悽悽分岐路各各營所  
爲兄上荆山巔巔石辨虹氣窮沉滄海底偷珠待  
龍睡出門不數年同歸亦同途候用私所珍升沉  
自茲異獻珠龍王宮值龍覓珠次但喜復得珠不  
求珠所自酬客雙龍女授客六龍轡遣充行雨神  
雨澤隨客意零夏鍾鼓繁榮秋玉帛積音悉彩色畫  
廊廟奴僮被珠翠驥驟千萬雙鸞鸞七十二言者

未搖舌無人敢輕議其兄因獻璞再刖不履地門  
戶親戚疎匡牀妻妾棄銘心有所待視足無所姚  
持璞自枕頭淚痕雙血漬一朝龍醒寤本問儉珠  
事因知行雨偏妻子五刑備仁兄捧屍哭勢友掉  
頭諱喪車黔首葬弔客青蠟至楚有望氣人王前  
忽長跪賀王得貴寶不遠王所莅求之果如言剖  
出浮筠賦白珩無顏色垂棘有瑕累在楚裂地封  
入趙連城貴秦遣李斯書書爲傳國瑞秦亡漢魏  
傳傳者得神器卞和名末末與寶不相墜勸爾出  
門行行難莫行易易得還易失難同亦難離去聲

賈識貪廉良田無植穉磨劒莫磨錐磨錐成小利  
捉捕歌

捉捕復捉捕莫捉狐與兔狐兔藏窟穴豺狼妨道  
路道路非不妨最憂螻蟻聚豺狼不陷弄螻蟻潛  
幽蠹切切主人惡主人輕細故延緣蝕樑櫨漸入  
棟梁柱梁棟盡空虛攻穿痕不露主人坦然意盡  
夜安寢寢網羅布參差鷹犬走趨互盡力窮窟穴  
無心自還顧客來歌捉捕歌竟淚如雨豈是惜狐  
兔畏君先後誤願君掃梁棟莫遺螻蟻蟻附次及清  
道除盡滅豺狼步主人堂上坐行客門前度然後

巡野田遍張畋獵臭外無梟獍援內有熊羆驅狡  
兔掘荒機妖狐薰古墓用力不足多得禽自無數  
畏君聽未詳聽客有明喻蟣虱誰不輕鯨鯢誰不  
惡在海尚猶遐在懷交穢污歌此勸主人主人那  
不悟不悟還更多誰能恐違忤

古築城曲五解

年年塞下丁長作出塞兵自從冒頓強官築遮虜  
城

築城須努力城高遮得賊但恐賊路多有城遮不  
得

丁口傳父口莫問城堅不平城被虜圍漢斷城牆  
走

因茲請休和虜往騎來過半疑兼半信築城猶差  
峨

築城安敢煩願聽丁一言請築鴻臚寺兼愁虜出  
關

### 估客樂

估客無住者有利身則行出門求利伴入戶辭父  
兄父兄相教示求利莫求各求各莫所避求利無  
不營火伴相勒縛賣假莫賣誠交關但交假本生

上聲得失輕自茲相將去誓死意不更亦解市頭語

便無鄉里情

音倫倫石  
銅似金者

石打臂釧

充絹切

糯米吹

項瓔歸來村中賣敲作金玉聲村中田舍娘貴賤

不敢爭所費百錢本已得十倍羸顏色轉光靜飲

食亦甘馨子本頻蕃息貨賤日兼并求珠駕滄海

採玉上荆衡北買党項馬西擒吐蕃鸚炎洲布火

浣蜀地錦織成越婢脂肉滑奚僮眉眼明通算衣

食費不計遠近程經遊天下遍却到長安城城中

東西市聞客次第迎迎客兼說客多財爲勢傾客

心本明點聞語心已驚先問十常侍次求百公卿

侯家與主第點綴無不精歸來始安坐富與王侯  
勑市卒醉肉臭縣胥家舍成豈唯絕言語奔走極  
使令大兒販材木巧識梁棟形小兒販鹽鹵不入  
州縣征一身假市利突若截海鯨鉤距不敢下下  
則牙齒橫生爲估客樂判爾樂一生爾又生兩子  
錢刀何歲平

卷終

丁籤九十四元稹之十

唐音統籤卷

四百六十三

七言古詩二

樂府

連昌宮詞

唐書云初稹謫江陵與監軍崔潭峻善長慶初潭峻歸朝出連昌詞

等篇奏御穆宗大悅即日拜祠部郎中知制誥遷翰林學士曾南豐云津陽門詩長恨歌連昌宮詞俱載開元間事微之詞不獨富麗至長官清平太守好揀選皆言由至公委任責成治之所興也祿山官中養作兒號國門前開如市險敵私謁無所不至安得不亂邪稹之敘事遠過二子

連昌宮中滿宮竹歲久無人森似束又有墻頭千

葉桃風動落花紅軟軟宮邊老人爲予泣小年進

食曾因入上皇正在望仙樓太真同凭欄千立樓

上樓前盡珠翠炫轉熒煌照天地歸來如夢復如  
癡何暇備言宮裏事初過寒食一百六店舍無烟  
宮樹綠夜半月高絃索鳴賀老琵琶定場屋力士  
傳呼覓念奴念奴潛伴諸郎宿須臾覓得又連催  
特勅街中許然燭春嬌滿眼睡紅消掠削雲鬟旋  
裝束飛上九天歌一聲二十五郎吹管逐逡巡大  
過涼州微色色龜茲錄續李暮壓笛傍宮牆偷  
得新翻數般曲

自注念奴天寶中名倡善歌每歲  
樓下酬宴累月之後萬衆喧隘嚴

安之章黃裳輩聞易不能禁思樂爲之罷奏玄宗  
遣高力士大呼于樓上曰欲念奴唱歌邪二十  
五郎吹小管逐看人能聽否不嘗不情然奉詔其  
爲當時所重也如此然而玄宗不厭奪俠遊之盛

小嘗置在宮禁或歲幸湯泉時建東洛有司潛遣  
從行而已又玄宗嘗于上陽宮夜後按新翻一曲  
屬明夕正月十五日替遊燈下忽聞酒樓上有笛  
奏前夕新曲大駭之明日密遣捕捉笛者詰驗之  
自云其夕竊于天津橋花月聞宮中度曲遂於橋  
柱上揮箏記之臣卽長安少年善笛者李暮也玄  
宗異而平明大駕發行宮萬人鼓舞途路中百官

隊仗避岐薛楊氏諸姨車闕風明年十月東都破  
御路猶存祿山過驅令供頓不敢藏萬姓無聲淚  
潛墮兩京定後六七年却尋家舍行宮前莊園燒  
盡有枯井行宮門閉樹宛然爾後相傳六皇帝不  
到離宮門久閉往來年少說長安玄武樓成花萼  
廢去年勅使因斫竹偶值門開暫相逐荆榛櫛比

塞池塘狐兔驕癡緣樹木舞榭歌傾基尚在文窗  
窈窕紗櫺綠塵埋粉壁舊花鈿烏啄風箏碎珠玉  
上皇偏愛臨砌花依然御榻臨階斜虵出燕巢盤  
鬬拱菌生香案正當衙寢殿相連端正樓太真梳  
洗樓上頭晨光未出簾影黑至今反挂珊瑚鉤指  
示傍人因慟哭却出宮門淚相續自從此後還閉  
門夜夜狐狸上門屋我聞此語心骨悲太平誰致  
亂者誰翁言野父何分別耳聞眼見爲君說姚崇  
宋璟作相公勸諫上皇言語切燮理陰陽禾黍豐  
關和中外無兵戎長官清平太守好揀選皆言由

至公開元之末姚宋灰朝廷漸漸由妃子廢止宮  
裏養作兒號國門前開如市弄權宰相不記名依  
稀憶得楊與李廟謨顛倒四海搖五十年來作瘡  
痍羽委切今皇神聖丞相明詔書纔下吳蜀平官軍  
又取淮西賊此賊亦除天下寧年年耕種宮前道  
今年不遣子孫耕老翁此意深望幸努力廟謀休  
用兵

望雲騅馬歌

并序

德宗皇帝以八馬幸蜀七馬道驚唯望雲騅來  
往不顧貞元中老死天慶臣撰作歌以記之

憶昔先皇幸蜀時八馬入谷七馬疲肉綻筋攣四

蹄脫七馬死盡無馬騎天子蒙塵天雨泣嶢嶢道

路淋漓濕崢嶸白草眇難期諗洞黃泉安可入

白草

諗洞並雒谷中地名古諺云諗洞入黃泉

朱泚圍兵抽未盡懷光寇騎

追行及嬪娥相顧倚樹啼鵲驚無聲仰天立圍人

初進望雲雕衫色顚顚衆馬欺上前噴吼如有意

耳尖卓立節踈々君王試遣迴曾臆撮骨鋸牙駢

兩肋蹄懸四蹠腦顚方騰聳三山尾株直圍人畏

謂仍相惑此馬無良空有力頻頻嚙犁轡難施往

往跳趨鞍不得色沮聲悲仰天訴天不遣言君未

識亞身受取白玉羈開口銜將紫金勒君王自此

方敢騎似遇良臣久倭側龍騰魚鼈啍然驚驥盼

驢驪少顏色七聖心迷運方厄五丁力盡路猶窄

桑它山上斧刃堆望秦嶺下錐頭石五六百里真

符縣八十四盤青山驛掣開流電有輝光突過浮

雲無朕跡地平險盡施黃屋九九屬車十二纛齊

映前導引驪頭

帝自奉天奔梁道險陡映常爲帝御會馬駭失帝命捨轡映曰馬奔

異不過傷臣捨之或驚清蹕

嚴震迎號抱驪足

時震爲山南西道節度使聞帝

使蹕馳表奉迎

路傍垂白天寶民望驪禮拜見驪哭皆言

玄宗當時無此馬不免騎驪來幸蜀雄雄猛將李

令公收城殺賊豺狼空天旋地轉日再中天子却

坐明光宮朝廷無事忘征戰校獵朝迴幕宴御

馬齊登擬用槽

殿中號乘輿之馬曰擬用槽

君王自試宣徽殿

圍人還進望雲騅性強步濶無方便分驥擺杖頭

太高擎肘迴頭項難轉人人共惡難迴跋潛遣飛

龍滅芻秣銀鞍綉轡不復施空盡天年御槽活當

時鄒諺已有言莫倚功高浪開濶登山縱似望雲

騅平地須饒紅叱撥長安三月花垂草果下翩翩

紫騮好千官煖熟李令閒

平朱泚之後天子既厭兵患將臣生事而張延

賞當國復與晟有隙勸帝奪其兵柄

百馬生獐望雲老望雲騅爾之

種類世世奇當時項王乘爾祖分配英豪稱霸主

爾身今日逢聖人從幸巴渝歸入秦功成事遂身  
退天之道何必隨羣逐隊到死蹋紅塵望雲雕用  
與不用各有時爾勿悲

和李校書新題樂府十二首

并序

予友李公垂贈予樂府新題二十首雅有所謂  
不虛爲文予取其病時之尤急者四首和之蓋  
十二而已昔三代之盛也士議而庶人謗又曰  
世理則詞直世忌則詞隱子隨世而君盛聖  
故直其詞以示後使夫後之  
人謂今日爲不忌之時焉

上陽白髮人

天寶年中花鳥使

天寶中密龍採取  
詔與者爲花鳥使

撩花狎鳥含

春思滿懷墨詔求嬪御走上高樓半酣醉醉酣直

入卿士家閨闈不得偷迴避良人願妾心死別小  
女呼爺血垂淚十中有一得更衣永配深宮作宮  
婢御馬南奔胡馬盛宮女三千合宮棄宮門一閉  
不復開上陽花草青苔地月夜閒聞洛水聲秋池

暗度風荷氣日日長看提象門終身不見門前事

近年又送數人來自言興慶南宮至我悲此曲將  
徹骨更想深冤復酸鼻此輩賤嬪何足言帝子天

孫古稱貴諸王在閣四十年七宅六宮門戶闕隋

楊枝條襲封邑

近古封前代子孫爲二王三恪

肅宗血胤無官位

肅宗已後諸王並未出閣

王無妃媵主無壻陽亢陰淫結災異

何如決壅順衆流女遣從夫男作吏

華原磬

李傳云天寶中始廢  
泗濱磬用華原石

泗濱浮石裁爲磬古樂疎音少人聽工師小賤牙  
曠稀不辨邪聲嫌雅正正聲不屈古調尚鐘律參  
差管絃病鏗金戛瑟徒相雜投玉敲冰杳然震華  
原軟石易追琢高下隨人無雅鄭棄舊美新由樂  
胥自此黃鐘不能競玄宗愛樂愛新樂梨園弟子  
承恩橫霓裳纔徹胡騎來雲門未得蒙親定我藏  
古磬藏在心有時激作南風詠伯夔曾撫野獸馴  
仲尼誓和春雷盛何時得何筍簾懸爲君一吼君

心醒願君每聽念封疆不遣豺狼勦人命

五絃彈

趙壁五絃彈徵調徵聲曉絕何清峭辭雄皓鶴警  
露啼失子哀猿繞林嘯風入春松正凌亂鴛合曉  
玉辭嬌妙鳴鳴暗溜咽冰泉殺殺霜刀澁寒鞘促  
節頻催漸繁撥珠幢斗絕金鈴掉千叢鳴鏑發胡  
弓萬片清球擊虞廟衆樂雖同第一部德宗皇帝  
常偏召旬休節假暫歸來一聲狂殺長安少主第  
侯家最難見授歌按曲皆承詔水精簾外教貴嬪  
璫瑁筵心伴中要臣有五賢非此絃或在拘囚或

屠釣一賢得進勝累百兩賢得進同周邵三賢事  
漢滅暴強四賢鎮岳寧邊徼五賢並周調五常五  
常既序三光曜趙壁五絃非此賢九九何勞設庭  
燎

西涼伎

吾聞昔日西涼州人煙撲地桑柘稠蒲萄酒熟恣  
行樂紅艷青旗朱粉樓樓下當壚稱卓女樓頭伴  
客名莫愁鄉人不識離別苦更卒多爲沉滯游哥  
舒開府設高宴八珍九醞當前頭前頭百戲競撩  
亂九劍跳躡霜雪浮師子搖光毛彩豎胡姬醉舞

筋骨柔大宛來獻赤汗馬贊普亦奉翠茸裘一朝  
燕賊亂中國河湟忽盡空遺丘開遠門前萬里堠  
今來感到行原州平時開遠門外立堠云去安西  
九千九百里以示戎人不爲萬  
里行其就去京五百兩近何其逼天子縣內半沒  
盈故矣爲荒陬西涼之道爾阻修連城邊將但高會每說  
此曲能不羞

法曲

吾聞黃帝鼓清角狎伏熊羆舞玄鶴舜持干羽苗  
革心堯用咸池鳳巢閣大夏濩武皆象功功多已  
訝玄功薄漢祖過沛亦有歌秦王破陣非無作

之宗廟見艱難作之軍旅傳糟粕明皇度曲多新  
態宛轉侵淫易沉著赤白桃李取花名霓裳羽衣  
號天落雅弄雖云已變亂夷音未得相參錯自從  
胡騎起烟塵毛毳腥腥滿咸洛女爲胡婦學胡粧  
伎進胡音務胡樂音火鳳聲沉多咽絕春鴛鸞罷  
長蕭索胡騎與胡粧五十年來競紛泊

馴犀

李傳云貞元丙子歲南海來貢  
至十三年冬苦寒死十苑中

建中之初放馴象遠歸林邑近交廣獸返深山鳥  
構巢鷹鵬鷄鶻無羈鞅貞元之歲貢馴犀上林置  
圈官司養玉盆金棧非不珍虎啖羝牢魚食網渡

江之橋踰汶貉反時易性安能長臘月北風霜雪  
深蹙跼鱗身遂長往行地無疆費傳驛通天異物  
罹幽枉乃知養獸如養人不必人人自敦獎不擾  
則得之於理不奪有以多於賞脫衣推食衣食之  
不若男耕女令紡堯民不自知有堯但見安閒聊  
擊壤前觀馴象後觀犀理國其如指諸掌

立部伎

李傳云太常選坐部伎無性靈者  
退入立部伎又選立部伎無性靈

者退入雅樂部則雅樂可  
知矣李君作歌以諷焉

胡部新聲錦筵坐中庭漢振高音播太宗廟樂傳  
子孫取類羣凶陣初破戢戢攢鎗霜雪耀騰騰擊

鼓風雷磨初疑遇敵身啓行終象由文士憲左昔

日高宗常立聽曲終然後臨玉座如今節將一掉

頭電捲風收盡摧挫宋晉鄭友歌聲發滿堂會客

齊喧吹珊瑚佩玉動腰身一一貫珠隨咳唾頃向

園丘見郊祀亦曾正旦親朝賀太常率樂備宮懸

九奏未終百寮情愔愔難令季札辨遲迴但恐文

侯臥工師盡取韓昧人豈是先王作之過宋沈曾

傳天寶季法曲胡音忽相和明年十月燕寇來九

廟手門虜塵泥

太常丞宋沈曾傳漢中王舊說云玄宗雖雅好度曲然而未嘗使蕃漢

雜奏天寶十三載始詔造翻法曲與胡部新聲合作識者異之明年祿山叛我聞此語

唐書新集  
歎復泣古來邪正將誰奈  
奸聲入耳倭入心侏儒  
飽飯夷齊餓

驃國樂

李傳云貞元辛巳歲始來獻

驃之樂器頭象馳音聲不合十二和從舞跳趨筋  
節硬繁詞變亂名字訛千彈萬唱皆咽咽左旋右  
轉空僊僊倚地呼天終不會曲成調變當如何德  
宗深意在柔遠笙鏞不御停嬪娥史館書爲朝貢  
傳太常編入鞮鞞科古時陶堯作天子遜遁親聽  
康衢歌又遣適人持木鐸遍採謳謠天下過  
音萬  
人有意皆洞達  
音六  
其煩苛盡令區中擊壤

塊燕及海外單恩波秦霸周衰古官廢下堙上塞  
王道頌共粹異俗同聲教不念齊民方薦瘥傳稱  
魚鼈亦咸若苟能効此誠足多借如牛馬未蒙澤  
豈在抱寶滋龜鼈教化從來有源委必將泳海先  
泳河非是倒置自中古驪兮驪兮誰爾訶

胡旋女

李傳云天寶中西國來獻

天寶欲末胡欲亂胡人獻女能胡旋旋得明皇不  
覺迷妖胡奄到長生殿胡旋之義世莫知胡旋之  
容我能傳蓬斷霜橫羊角疾三翼朱盤火輪炫驪  
珠迸珥逐龍星虹降暈輕巾掣流電潛鯨暗喻簪

殘謝反

海波迴風亂舞當空霞萬過其誰辨終始四

座安能分背面才人觀者相爲言承奉君恩在圓  
變是非好惡隨君口南北東西逐君時柔軟依身  
看珮帶徘徊繞指同環釧佞臣聞此心計迴惑亂  
君心君眼眩君言似曲屈如鉤君言好直舒爲箭  
巧隨清影觸處行好學春鶯百般轉傾天側地用  
盡力抑塞周遮恐君見翠華南幸萬里橋玄宗始  
悟坤維轉緇書云僧一行嘗奏玄宗曰陛下幸洛陽冀  
萬里聖祚無疆故天寶中歲幸洛陽冀  
萬里數及上幸蜀至萬里橋乃  
言旋日與旋心  
言謂左右曰一行之奏其是乎  
言言旋日與旋心  
有國有家當共謹

蠻子朝

李傳云貞元末蜀川如通蠻酋

西南六詔有遺種僻在荒陬路尋壅部落交離君  
長賤比諸夷狄爲幽冗犬戎強盛頻侵略有憤  
心戰無勇夜防鈔盜保深山朝望烟塵上高冢烏  
道繩橋來款附非因募化因爲懷清平官鑿金隄

丘加切又音虛

嗟求天叩地持雙珙益州大將韋令公

韋

頃實遭時定汧隴自居剽鎮無他績幸得蠻來因  
恩寵爲蠻開道引蠻朝接蠻送蠻常繼踵天子臨  
軒四方賀朝廷無事唯端拱漏天走馬春雨寒瀟  
水飛虵瘴烟重椎頭醜類除憂患瘴足役夫勞洵

湧匈奴互市歲不供雲蠻通好轡長蹕戎王養馬  
漸多年南人耗額西人恐

縛戎人

近制西邊每擒蕃囚例皆傳置南方不加勦戮故李君作歌以諷焉

邊頭大將差健卒入抄擒生快於鶻但逢頰面印  
捉來半是蕃人半戎羯大將論功重多級捷書飛  
奏何超忽聖朝不殺諧至仁遠送炎方示微罰萬  
里虛勞肉食費連頭盡被瓊裘暘華茵重席臥腥  
臊病犬愁鴟聲咽唄中有一人能漢語自言家本  
長安窟小年隨父戍安西河渭瓜沙眼看沒天寶  
末亂前數載狼星四角光蓬勃中原禍作邊防危

果有豺狼四來伐蕃馬曠成正翹健蕃兵肉飽爭  
唐突煙塵亂起無亭燧主帥驚跳棄旄鉞半夜城  
摧鵝鴈鳴嗁啼子叫曾不歇陰森神廟未敢依脆  
薄河水安可越荆棘深處共潛身前因葵藜後隴  
疏平明蕃騎四面走古墓深林盡株櫟音少壯爲  
俘頭被髡老翁留居足多刖烏鳶滿野屍狼籍樓  
榭成灰墻突兀暗水濺濺入舊池平沙漫漫鋪明  
月戎王遣將來安慰口不敢言心咄咄供進腋腋  
音夜御叱殺豈料穹廬揀肥膂五六十日消息絕中  
間盟會又猶獾眼穿東日望堯雲腸斷正朝梳漢

髮

延州鎮李如暹蓬子將軍之子也嘗沒西蕃及歸自云蕃法唯正歲一日許唐人沒蕃者服衣

冠如暹當此日由是悲不自勝遂與蕃妻密定歸計近來如此思漢者半爲

老病半埋骨尚教孫子學鄉音猶話平時好城關

老者儻盡少者壯生長蕃中似蕃停

音字

不知祖父

皆漢民便恐爲蕃心矻矻緣邊飽餒十萬衆何不齊驅一時發年年但捉兩三人精衛銜蘆塞溟渤

陰山道

李傳云元和二年有詔悉以金銀酬回鶻馬價

年年買馬陰山道馬死陰山帛空耗元和天子念女工內出金銀代酬犒臣有一言味死進死生其分蒼恩盡費財爲馬不獨生耗帛傷工有他盜臣

聞平時七十萬匹馬關中不省聞嘶謀四十八監  
選龍媒時貢天庭付良造如今垌野十無一盡在  
飛龍相踐暴萬束芻茭供旦暮千鍾菽粟長牽槽  
屯軍郡國百餘鎮縑細歲奉春冬勞稅戶連逋例  
攤配官司折納仍貪冒挑紋變縑力倍費棄舊從  
新人所好越縠撩綾織一端十疋素縑功未到豪  
家富貴踰常制令族親班無雅操從騎愛奴絲布  
衫臂鷹小兒雲錦韜羣臣利已要差僭天子深衷  
空閔倬倬立花塼鵠鳳行雨露恩波幾時報